

明洪武四年進士登科錄
金 煙
石 艇
永 懷



煙
艇
永
懷

龔立本 撰

中
華
書
局

叢書集成初編

明洪武四年進士登科錄（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之一

統一書號：ISBN 7-101-00894-1/K·367

煙艇永懷

叢書集成初編所選
澤古齋重鈔借月山
房彙鈔皆收有此書
借月本較先故據以
影印

煙艇永懷序

古今只四倫大抵缺毋友謂有矣先生語也奈何謂
是言輒不禁唏噓感歎猶思以爲不盡然及余身經
患難細閱平生老而賤貧與世齟齬天若深余以苦趣
以爲四海交情之鏡而後知宏父之言悲也江河下矣
余無媚骨而有宿緣幸而驟脫於嬰金分於鮑眷懷良
友豈不醉心獨此鍼芥相投易至河漢昔賢有云朋友
之道名其實重其器洗滌其瑕疵斯爲最大今也鼓邊
之鸚鵡不羣隆中之臥龍誰識蓬鬢空華朱絃久冷以

青蠅爲弔客仲翔傷心之語豈欺我哉頃讀龔淵孟先生煙艇永懷是何如蘭斷金之充侈也余有以知其說矣淵孟文心而質行海天澄寂波瀾不生故一時交遊文者貢其春華質者呈其秋實宜其夥矣淵孟不云乎物或無情人必有情以淵孟之情而陶鑄天下之情卽戈矛劒戟皆可爲琴瑟鐘鼓醫經之言曰胃之強者不擇飲食佳惡皆以爲佳病者則否然則余自病胃耳於世間朋友何尤雖然余聞淵孟立身如冰岳其於擇交也至慎卽今永懷傷逝雖西州之痛久而愈新而山陽

之淚原不輕墮無淵孟之慎而泛言鍾情又無以服宏
父孩未雨道人之心也

崇禎十年丁丑早秋西楚友弟方震孺書於白門護靜
軒

煙艇永懷序

煙艇永懷序

煙艇永懷者海虞龔淵孟先生論交傷逝之所作也先生倜儻性成抗志經世雖在賢序已嶽然屬天下之望一時交遊參其神契皆當世賢豪長者所至以時務相諮訪莫不高其識略倚辦成事而先生亦時時得發舒其志氣以益肆意於經濟大業之間嗟乎豪傑之士能自奮乎儕俗不爲章句帖括所猥瑣而挾其磊珂卓犖之氣戟髯抵掌抗談天下事流俗交口而狂惑之而有心者至結納獎掖引以自輔推轂執鞭若恐不及抑何

激昂而歡多也。追身已行爲世用，方且指顧一當以酬知已副同心。乃哲萎痾乎憂心，西州發其一慟，杯闌氣熱，潦倒向誰游？從半生語默如昨，橫集滿眼，縈懷萬端。則悲憤流連不能已已，斯亦情至者之深致矣。其永懷所爲作乎集，凡三卷，彼名世者著其交情肝膽，可照卽二三隱淪筆述所及，皆足發潛闡幽而緯蕭之彥，緇衲之遊題目數言，其人不死，固野乘所謂特筆而交壇可爲炙史矣。此書成於遊瑄羅織之後，於鉤黨死事諸君教致益爲要核，足備異日國史採據關係名教之書，非

若他人旁行雜著聊以資一時雋永已也符追隨先生
語溪署中出此編相示凡平生有懷而莫卽者披文如
在因得從容進詢其始末不特開拓俯仰備識正人君
子梗概而先生之性情風義亦挹注之無盡傾倒於語
言文字之外矣

句通家子陸符文虎撰

煙艇水懷序

煙艇永懷自序

世謂管鮑歿而交道土棄此殆不然物或無情人必有情有情斯有交巨卿之執紼其著者也延陵之挂劍其微者也人既有情物豈無情有交卽有情子猷稱竹曰君竹不以子猷爲知己乎元章呼石曰丈石不以元章爲知己乎彼翻雲覆雨溷沓背憎凡皆不及情而草木之不如者耳立本坎壈當世有腸如絃有口如溜宜乎衆之吐棄之矣乃結髮以來金每斷於同心蒨幸逢乎癖嗜情之來不知其所以然情之往亦似不得不然但

素心不朽黃髮難期未耄老而哭累世昌黎增感於昔
立本抱痛於今情所攸鍾寤寐耿耿因座師范公開
府奉候起居立意遊燕紆途入洛會軍書旁午周道梗
塞空齋兀守傷逝興懷爰尋想曩昔在顯達止迹遊踪
在隱淪兼掇行略自非神乎無取形密文不加點事尙
逼真少陵不云乎載讀徐孺碑猶思理煙艇披是籍者
聊以知我思之所繫云爾

崇禎己巳除夕海虞龔立本書於河南撫院之後樂堂

煙艇永懷凡例

一官師以分親長以情皆取莊事者非相知不列
一知交先別省次南直次吳郡總非本邑故曰四方
形跡雖瞻其人浮汎者不入

一親朋不分長幼貴賤但以均之年月編次

一此帙成於己巳今歲偶爲簡閱念相知續逝各以
類附

丁丑夏日題於南都之白雲居

煙艇永懷 凡例

--	--	--	--	--	--	--	--

煙艇永懷目錄

卷之一

官師親長

贈太僕寺卿前邑宰譚公

廣信保前邑宰楊忠烈公

南京評事前邑宰詹公

郡丞前敎諭李公

大叅前長洲令祁公

少京兆前督學御史過公

學憲前寧國府知府關公